

ACD Val Badia - FC Gais

Inviato da Renato

Ultimo aggiornamento lunedì 09 agosto 2021

Domënia, 27. setember 2020

ACD Val Badia - FC Gais: 2 - 0

Deventa y trei punc begn meritá. Bela prestaziun dla formaziun de Curti

Dô la prestaziun nia da bravé cun pardöda dla domenia da denant cuntra le Terenten, sa la scuadra indô ciafè pitán na buna partida. La plaza "Pradel" é indô te der de bunes condiziuns y da mete man sa ince le soredl fat obei. La partida é feter tres stada tles mans ladines. Le alenadú Curti à baraté fora cater posiziuns respet al utlima partida.

Al 2[^] menüt taia ite n bel palê t' aria "Olex" Stampfer por "Matti" che röia sú dan le portier puster, mo la trata é der alta sura porta fora. Mó le "capitan" se fej atira pordené al 5[^] menüt. Da zirca vintecinch metri lasciel pié i na gran trata cuntra porta. Chesta röia sön la man ciampa dl portier dlungia pé ite te porta por le gran bel gol dl 1 a 0. Dô da 7[^] de jüch passa indô "Olex" en gran palê t' aria por Masoch che röia sú cuntra le verdaporta. Chesc é à val moda bun da anticipé y se pié le curan da le atacant ladin. Na gran ocajuon por le 2 a 0 röia al 22ejim de jüch. Sön na pasaja de Masoch röia sú M. Stampfer t' aria, süa trata vegn rebatöda der bun dal un Messner. Al 44[^] menüt röia da na pert ite t' aria sú Masoch sön na bela passada che taia fora la defensciun dl Gais. Mo le arbiter ti scûra na posiziun de fora dl jüch che nê nia. Dô da 54[^] de jüch él n pass lunch dl diesc dla VB por Conrater che röia apena t' aria da na pert ite. Sön la gnöda fora dl portier alzel le palê sura fora, en bel "palonetto" che arsesc te porta por le der bel 2 a 0. Al 74[^] menüt robat cun i pügs Ferdigg na gran trata dl chinesc M. Reichegger t' aria. Al 76ejim tira "Matti" Stampfer en bel ciantun lunch sön le secundo pe. Chilò röia Fersuoch bel sú ala deviaziun de cé. Le palê robat da impröma sön le pé alt y dedô sön la stangia de porta, ti tolón la sodesfaziun dl gol al defensur fodom. Al 91[^] de jüch vegn fora cun coraje le un ladin dan i pîsc dl chinesc dl Gais, se pian y paran ia por tera le curan. La deventa meritada pon se gode, ciaran da jí inant sön chesta strada.

Formaziun Val Badia: 1.Rene Ferdigg, 2.Federico Pellegrini, 3.Mattia Kastlunger (dal 82[^] Dylan Liotto), 4.Gianluca Lorenzini, 5.Kevin Fersuoch, 6.Paolo Adami, 7.Alex Stampfer, 8.Alessandro Da Roit (dal 24[^] Enrico Farenzena), 9.Simone Masoch (dal 86[^] Gabriel Prada), 10.Matthias Stampfer (capitan), 11.Heinrich Conrater (dal 73[^] Marc Mayr).

Alenadú: Cristian Curti.

Goi por la Val Badia: 5[^] Matthias Stampfer, 54[^] Heinrich Conrater.

Proscima partida: en domenia ai 4 d' otobre 2020 da les 15:30 sön la plaza da Mühlwald cuntra le Mühlwald.